

GJALDSKRÁ

Rafveitu Grindavíkur.

I. RAFORKA.

Rafveita Grindavíkur selur raforku á þann hátt og við því verði, sem hér segir:

A. Lýsing.

- A—1. Um kWst.-mæli á kr. 4,88 hverja kWst. Við þessu verði skal selja hvers konar notkun raforku, sem ekki kemst undir aðra liði þessarar gjaldskrár.
- A—2. Um kWst.-mæli á kr. 2,01 á hverja kWst. auk fastagjalds, sem er kr. 21,47 á hvern fermetra í rúmi því er lýsa skal. Fullt fermetragjald skal greiða af gólfleti í búðum, vinnustofum og skrifstofum, en fyrir geymslur og ganga skal greiða kr. 7,14 á ári af hverjum fermetra.

B. Raforka til almennrar heimilisnotkunar.

Um kWst.-mæli á kr. 1,23 hverja kWst.

C. Vélanotkun o. fl.

- C—1. Um kWst.-mæli á kr. 2,73 hverja kWst. Hafi vélar mjög stuttan notkunartíma má krefjast minnsta ársgjalds kr. 1 354,00.
- C—2. Vélanotkun til bráðabirgða um kWst.-mæli á kr. 2,73 hverja kWst.
- C—3. Ef uppsett rafvélaafl fasttengdra véla er yfir 20 kW:
- Um kWst.-mæli kr. 0,40 hverja kWst. auk fastagjalds kr. 1 354,00. Notað afl telst vera meðalálág á árinu mælt yfir stundarfjórðung hvert kW.
 - Ef ekki eru tök á að mæla notað afl má selja þannig: Um kWst.-mæli á kr. 0,40 hverja kWst. auk fastagjalds kr. 1 282,00 kW. Í málaun uppsettra véla á árinu. Heimilt er að rjúfa straum allt að þrem stundum á dag samkv. gjaldskrárlið C—3 kl. 10.30—12.00. og kl. 17.30—19.00.
- C—4. Um afl- og orkumæla:
- Af notuðu afli mælt í stundarfjórðung kr. 1 354,00 á kW á ári.
 - Af allri notkun kr. 0,40 hverja kWst. Samkvæmt gjaldskrárlið þessum heimilast að selja raforku til vélareksturs, hitunar og ljósa en reikna skal gólfplatargjald vegna ljósa kr. 21,47 á ferm. í vinnusölum, kaffistofum og öðrum slíkum, en kr. 7,14 á hvern ferm. í vörugeymslum, efnisgeymslum, frystiklefum og þess háttar. Þar sem erfitt er að greina á milli hverjum þessara flokka gólfplatargjald skal reikna eftir, skal greiða kr. 11,78 á hvern fermetra á ári.

D. Hitun.

- D—1. Um kWst.-mæli á kr. 0,50 hverja kWst. án rofs.
- D—2. Um kWst.-mæli með rofi í eina til þrjár klst. á dag kr. 0,32 hverja kWst.
- D—3. Um afl- og orkumæla:
- á kr. 0,32 hverja kWst. auk fastagjalds af mestu aflnotkun á ári kr. 255,73 hvert kW.
 - ef ekki eru tök á að mæla aflnotkun, skal greiða samkv. ástimplun hitatækja og fullt álag.
- D—4. Um kWst.-mæli á kr. 0,14 hverja kWst. með rofi frá kl. 08.00—23.00.

Skilyrði fyrir raforkusölu til húshitunar.

- a) Að aflvél, spennar, götustrengir og línur þoli álagið að dómi rafveitustjóra.
- b) Að notandi kosti segulrofa fyrir hitalögnina.
- c) Að notandi kosti tengingu og uppsetningu á álagsstýrirofum sem rafveitan leggur til og greiði af þeim samkv. gjaldskrá.
- d) Að hitalagnir, þar með talin öll tæki, séu gerð samkv. fyrirmælum rafveitunnar og Rafmagnseftirlits ríkisins, ofnar fasttengdir með sér rofum og hitastillar notaðir þegar þess er krafist.
- e) Að húsnæði fullnægi lágmarkskröfum um einangrun sem rafveitan kann að setja.
- f) Að lagðar séu fram niðurstöður útreikninga á hitaþörf þess húsrýmis sem sett verður upp.

E. Önnur raforkusala.

Raforku til suðu má selja til gistihúsa, veitingahúsa, sjúkrahúsa og annarra slíkra staða á kr. 1,46 hverja kWst. enda sé notkunin mæld um sérmæli og suðutæki fasttengd.

Til nota við vinnulagnir við byggingar eða aðra mannvirkjagerð, meðan á byggingu stendur um kWst.-mæli á kr. 2,61.

Til bökunarofna í brauðgerðarhúsum um kWst.-mæli á kr. 0,45 hverja kWst. ef straumur er rofinn frá kl. 8.30—22.00 eða um tvígjaldsmæli kr. 0,36 hver kWst., á tímanum frá kl. 22.00—8.30 og kr. 1,12 hver kWst., frá 8,30—22.00.

Til gatna- og hafnarlýsinga á kr. 1,45 hverja kWst.

Öll rafmagnsnotkun sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A—1. Þegar sérstaklega stendur á má rafveitustjóri þó að tilskildu samþykki rafveitustjórnar veita afslátt á gjaldskrárliðum C—E (báðir meðtaldir) á orku sem notuð er á sumrin, sé um aukningu frá vetrarnotkun að ræða. Ennfremur að selja orku eftir sérstökum samningi sé það hagstætt vegna orkunýtingar rafveitunnar.

II. MÆLALEIGA.

Rafveitustjóri ákveður stærð og gerð mælitækja, sem nota skal fyrir hverja veitu og er sú ákvörðun skuldbundin fyrir notandann, sem greiða skal af mælitækjum sem hér segir:

1. Af einfasa mælum upp að 30 amp.	kr. 7,26
2. Af þrífasa mælum upp að 50 amp.	— 8,51
3. Af þrífasa mælum 50—200 amp.	— 21,48
4. Af þrífasa mælum yfir 200 amp.	— 32,19
5. Af álagsstýringarliðum	— 32,19

Af öðrum mælitækjum en þeim sem nefnd eru í gjaldskránni, skal ársleigan vera sem næst 20% af verði mælitækis.

III. HEIMTAUGAGJÖLD.

Heimtaugagjöld miðast við aflþörf notanda sem gerir grein fyrir væntanlegri notkun sinni í umsókn um heimtaug og ákveður rafveitustjóri stærð og gerð heimtaugar í samræmi við það. Heimtaugagjöld ákveðast þannig:

	Málstraumur stofnvara amp.	Hámarksafli kVA	Heimtaugargjald kr.
1.	3× 60	22	6 164,00
2.	3×100	38	8 988,00
3.	3×200	75 sp.	17 786,00
4.	3×350	132 sp.	35 516,00

Ofangreint gjald miðast við 15 metra langan jarðstreng eða 30 metra loftlínu heimtaug. Þar sem heimtaug þarf að vera lengri en að framan greinir, skal það sem fram yfir er, greiðast samkv. kostnaðarreikningi.

Lengd heimtaugar reiknast frá lóðarmörkum við götu, stystu greiðfæra leið að varkassa á útvegg. Teljist hagkvæmara að hafa varkassann á innvegg skal leita samþykkis rafveitustjóra um gerð og frágang pípu, sem strengurinn er dreginn í svo og staðsetningu varkassa svo aðgengilegt sé að komast að honum, enda greiðir húseigandi sem hér segir:

Fyrir 60 amp. einfasa	kr. 1 386,00
Fyrir 60 amp. þrífasa	— 1 946,00
Fyrir 100 amp. þrífasa	— 2 063,00.

Verði þörf á að skipta um heimtaug vegna aukinnar raforkuþarfar skal notandi greiða hina síðari samkvæmt kostnaðarreikningi.

Heimtaug verður ekki lögð meðan frost er í jörðu, eða óveður há útvinnu.

Sé um óskipulagt svæði að ræða, eða óeðlilegar eða erfiðar aðstæður skal greiða samkvæmt reikningi.

Ef fleiri en ein heimtaug er lögð að húsi skal húseigandi greiða allan kostnað við síðari heimtaugar eftir kostnaðarreikningi.

Sé nauðsynlegt eða hagkvæmara að setja upp spennistöð að mestu eða öllu leyti vegna eins notanda, skal hann leggja til lóð eða húsnæði fyrir spennistöðina eftir því sem hagkvæmara þykir að dómi rafveitustjóra, vegna staðsetningar spennistöðvarinnar svo og allan kostnað af spennistöðinni (búnað).

Pegar lóð er lögð til, er það gert rafveitunni að kostnaðarlausu og skal í öllu hlíta skilmálum rafveitunnar um stærð og staðsetningu stöðvarinnar.

Pegar húsnæði er lagt til skal það fullnægja skilyrðum um gerð spennistöðvarhúsa, að dómi rafveitustjóra.

IV. OPNUNARGJÖLD.

1. Hafi gjald samkvæmt gjaldskrá eigi verið greitt svo að til lokunar komi, skal greiða gjald fyrir enduroppnun kr. 173,00.
2. Ef fundin eru óleyfileg eða of stór vör við skoðun, skal veitunni tafarlaust lokað og ekki opnuð fyrr en notandinn hefur bætt úr því og greitt kr. 173,00 fyrir enduroppnun til innheimtu rafveitunnar.

V. HEIMILD TIL GJALDSKRÁRBREYTINGA.

Hækki innkaupsverð á raforku, kaupgjald eða verðlag, er bæjarstjórn heimilt að fengnum tillögum rafveitunnar, að hækka rafmagnsreikninga um allt að 50% af hækkuninni. Breyting skv. þessari gr. er háð samþykki iðnaðarráðuneytisins.

Innifalín í gjaldskrá eru 42.5% vegna söluskatts og verðjöfnunargjalds, nema hitatöxtum vegna húshitunar.

Gjaldskrá þessi, sem sett er samkvæmt vatnalögum nr. 15 20. júní 1923 og orkulögum nr. 58 29. apríl 1967, staðfestist hér með til að öðlast gildi 5. febr. 1982, sbr. auglýsingu ráðuneytisins nr. 17/1982 um breytingu á gjaldskrá rafveitna. Jafnframt er úr gildi felld gjaldskrá nr. 805 3. desember 1981.

Iðnaðarráðuneytið, 24. febrúar 1982.

F.h.r.

Páll Flygenring.

Guðrún Skúladóttir.